



Kesumba UMSKAL rai Aidilfitri bersama ahli

UB 12-7-2017 B4

KELAB Suri Rumah dan Staf Wanita UMS (Kesumba) UMS Kampus Antarabangsa Labuan telah mengadakan majlis sambutan Hari Raya Aidilfitri di Kesumba Biz and Beat di Kafetaria UMSKAL pada Isnin.

Pengerusi Kesumba UMSKAL Hayati Salleh Baihaki berkata majlis adalah untuk mengeratkan

lagi hubungan silaturrahim dalam kalangan ahli kelab itu di UMS Labuan.

Beliau yang juga Penolong Pendaftar Kanan di Jabatan Bendahari UMS berkata menerusi majlis tahunan itu, ahli boleh berinteraksi dengan AJK Tertinggi Kesumba UMSKAL.

"Majlis Hari Raya Aidilfitri adalah antara

aktiviti yang saban tahun kami adakan untuk mengeratkan lagi hubungan baik yang sedia terjalin dalam kalangan ahli di UMS Labuan," katanya.

Majlis yang bermula jam 10 pagi itu dimeriahkan lagi dengan kehadiran Pengarah UMSKAL Prof Madya Dr Murnizam Haji Halik yang juga penasihat Kesumba UMSKAL.

Menurut Hayati, Kesumba UMSKAL yang mempunyai 64 ahli ketika ini juga akan mengadakan

aktiviti yang membabitkan masyarakat setempat dan badan bukan kerajaan (NGO) wanita di Wilayah Persekutuan Labuan.

Beliau mengucapkan terima kasih kepada pengurusan UMSKAL yang sentiasa memberikan sokongan padu kepada pelbagai aktiviti yang dianjurkan Kesumba UMSKAL selama ini.

Pada majlis itu, Hayati turut meraikan ahli yang menyambut harijadi mereka pada bulan ini.

HAYATI (tiga kiri) meraikan sambutan Aidilfitri bersama ahli Kesumba di Kafetaria UMSKAL.